

**107** í landskuld eptir tvær þjóðjarðir sökum skemmda af vatnsflóði. — Samkvæmt tillög-  
30 ágúst. um yðar, herra amtmaður, í þóknanlegu brjefi, dags. 25. júní þ. á., sem byggðar eru á skoðunargjörð hlutaðeigandi úttektarmanna og skýrslu umboðsmannsins yfir Möðruvalla-  
klaustursumboði, veiti jeg samþykki mitt til, að leiguliðarnir á umboðsjörðunum Möðru-  
völlum og Nunnuhóli í Hörgárdal, sökum skemmda þeirra, er engjar ábúðarjarða þeirra  
hafa beðið af vatnsflóði úr Hörgá í júlímánudi 1885, verði eptir fyrirmælum 17. gr. í  
lögum 12. janúar 1884, um bygging, ábúð og úttekt jarða, aðnjótandi þeirrar linunar í  
landskuldargjaldinu eptir jarðir þessar, er hjer segir :

Fyrir fardaga-árið	1885—86	. . . . .	25.8	áln.
—	—	1886—87	. . . . .	17.2 —
—	—	1887—88	. . . . .	8.6 —
—	—	1888—89	. . . . .	4.3 —

sem og að hálfur kostnaðurinn af skoðunargjörðinni á jörðunum greiðist úr umboðssjóði  
samkvæmt 23. gr. sömu laga.

**108** Brjef ráðgjafans fyrir Ísland til landshöfðingja um skyldu lyfsalaus í Reykja-  
31 ágúst. vik til að vera prófdómandi við burtfararpróf á læknaskólanum. — Þjer hafið, herra  
landshöfðingi, með þóknanlegu brjefi 19. f. m., sent hingað erindi Schierbecks landlækn-  
is, þar sem hann, út af því að Krüger lyfsali, sem hann kvaddi til þess að vera próf-  
dómandi í efnafræði, lyfjafræði og grasufræði við burtfararpróf á læknaskólanum í síð-  
astliðnum júnímánudi, skoraðist undan því starfi, þótt ákveðið sje í reglugjörð skólans  
9. ágúst 1876 11. gr., að lyfsalinn í Reykjavík skuli kveðjast til sem prófdómandi í tjeð-  
um námsgreinum, spyrzt fyrir um, hvort lyfsalinn megi skorast undan að vera próf-  
dómandi og hvort prófin í námsgreinum þessum, sem hann hefur látið fram fara með  
öðrum prófdómendum, sjeu gild, og hafið þjer, um leið og þjer látið uppi það álit yð-  
ar, að fyrri spurningu landlæknis beri að kveða nei við og hinni síðari já, beiðzt leið-  
beiningar ráðgjafans um, hvernig að skuli farið, ef Krüger lyfsali heldur því áfram fram-  
vegis, að skorast undan að vera prófdómandi við burtfararpróf á læknaskólanum.

Út af þessu læt jeg eigi hjá líða hjer með þjónustusamlega að tjá yður til þókn-  
anlegrar leiðbeiningar og til birtingar fyrir hlutaðeigendum, að jeg að einu leytinu er  
yður samdóma um, að það atvik, að prófin hafa verið haldin án þess að lyfsalinn í  
Reykjavík hafi verið meðal prófdómendanna í námsgreinum þeim, sem hann á að kveðj-  
ast til samkvæmt 11. gr. í reglugjörð fyrir læknaskólann í Reykjavík, geti ekki svipt  
próf þessi gildi, en að jeg á hinn bóginn verð að ætla, að eigi sje tjeðum lyfsala með  
ákvörðunum þeim, er þar um gilda, uppálagt sem skylda að gegna prófdómastörf-  
um, og að forstöðumaður læknaskólans verður þess vegna, ef Krüger lyfsali skyldi halda  
því áfram, að skorast undan að vera prófdómandi, að fara að eins og í þetta skipti og  
kveðja annan mann til prófdómanda, sem er hæfur til þess og fús á það.

**109** Brjef landshöfðingja til sýslumannsins í Skagafjarðarsýslu um að sparissjóði  
31. ágúst. sjeu veitt hlunnindi samkvæmt tilsk. 5. jan. 1874. — Eptir beiðni yðar, herra sýslu-  
maður, í þóknanlegu brjefi, dags. 12. þ. m., veiti jeg hjer með sparissjóðnum á Saudár-  
króki um 5 ár, er teljist frá 1. þ. m., öll þau hlunnindi, sem talin eru í tilskipun 5.  
janúar 1874, þó með þeim skilyrðum : að ábyrgð sú, sem stofnendur sjóðsins hafa tek-  
ist á hendur með 3. gr. samþykktar 10. júní þ. á., skerðist ekki, að ákvarðananna í  
samþykkt sjóðsins um reikningsskil sje nákvæmlega gætt, og að send sjeu landshöfðingja

árlega eptirrit af reikningum hans; svo ber og að skýra landshöfðingja frá sjerhverri 109  
breytingu, er kynni að verða á samþykkt sjóðsins, og frá því, ef skipti verða á stofn- 31. ágúst.  
endum hans samkvæmt 3. og 4 gr. samþykktarinnar.

Þetta gefst yður til vitundar til þóknanlegrar leiðbeiningar.

**Brjef landshöfðingja til amtmannsins yfir norður- og austuramtinu um hvort 110**  
útflutningsgjald beri að heimta af fiski hafna á milli hjer á landi. — Með þóknan- 1. sept.  
legu brjefi, dags. 30. apríl þ. á., hafið þjer, herra amtmaður, sent hingað erindi, þar  
sem P. V. Davidsen, verzlunarstjóri á Vopnafirði, spyrzt fyrir um, hvort sjer beri að  
greiða útflutningsgjald af hörðum fiski, sem pantaður hafi verið hjá sjer úr Húnavatns-  
sýslu og sem hann ætli að senda þangað með strandferðaskipinu á yfirstandandi ári,  
með því að hann viti ekki nema sá, sem við fiskinum á að taka, kunni að ætla hann  
til útflutnings, og hafið þjer beiðzt leiðbeiningar um, hvernig svara eigi þessari fyrir-  
spurn.

Út af þessu vil jeg gefa yður til vitundar, sjálfum yður til leiðbeiningar og til  
frekari birtingar, að þar sem 3. grein í lögum 4. nóvember 1881, um útflutningsgjald  
af fiski, lýsi o. fl., mælir svo fyrir, að gjaldið skuli borgað, áður en skip það, sem í hlut  
á, er afgreitt frá þeirri höfn, sem það leggur á stað frá, hvort heldur til annara veiði-  
staða hjer, eða fer burt frá landi, þá verður að skilja þessa ákvörðun, eins og líka er  
skýrt tekið fram í ráðherrabr. 17. júlí 1882, þannig, að útflutningsgjaldið skuli því að  
eins greiða, að fiskur sá o. fl., sem látinn er á skipið, sje þá ætlaður til útflutnings,  
en að ekki verði heimtað gjald af fiski, sem sendur er hafna á milli innanlands og ekki  
er ætlaður til útflutnings, þá er hann er látinn í skipið, þó svo kunni að fara, að sá,  
sem fiskurinn er sendur, síðar flytji hann út, enda er það lögreglustjórans þar á staðn-  
um, sem viðtakandi er, að hafa eptirlit með því. Jeg verð þannig að álíta, að ef sá,  
sem sendir á stað með skipi tollskyldan fiskiafla til annarar hafnar hjer á landi, gefur  
vottorð upp á æru og samvizku um, að fiskiaflinn sje ekki af honum ætlaður til útflutn-  
ings, og hleðsluskjölin bera ekki annað með sjer, en að fiskiaflinn eigi að flytjast í land  
á þeirri höfn, sem hann er sendur á, þá sje ekki næg heimild til að krefjast útflutn-  
ingsgjalds af slíkum fiskiafla.

**Brjef landshöfðingja til amtmannsins yfir norður- og austuramtinu um láns- 111**  
viðbót til að fullgjöra alþýðuskólahús. — Samkvæmt beiðni sýslunefndarinnar í Suður- 2. sept.  
Þingeyjarsýslu og samþykki amtráðsins í norður- og austuramtinu, vil jeg hjer með veita  
tjedri sýslunefnd í viðbót við áður veitt 1500 kr. lán, 300 kr. lán úr viðlagasjóði til að  
fullgjöra alþýðuskólahús í Hljeskógum í Grytubakkahreppi og til áhaldakaupa handa skól-  
anum, þannig að lán þetta endurborgist og ávaxtist ásamt hinu áður veitta 1500 kr.  
láni, á 28 árum með 6% árlega.

**Brjef landshöfðingja til amtmannsins yfir norður- og austuramtinu um skyldu 112**  
til að leysa borgarabrjef til verzlunar. — Með þóknanlegu brjefi, dags. 10. f. m., 18. sept  
hafið þjer, herra amtmaður, skotið þeirri spurningu til minnar úrlausnar, hvort hinum  
núverandi eiganda að verzlunum þeim á Húsavík, Vopnafirði og Berufirði, sem kenndar  
eru við Örum & Wulff, beri eigi samkvæmt 2. gr. laga 7. nóvember 1879 um breyting  
á eldri lögum um siglingar og verzlun á Íslandi, að leysa borgarabrjef til verzlunar á